

楊弘山先生存稿

楊弘山先生存稿
趙藩書檢

弘山先生文集卷之十一

御史中谿李元陽參選

郎中近臺何文極編次

序

蕭見素林公生祠集序

劍川趙藩
騰越李根源
重鐫
給事中慎吾楊言校正

曾孫楊德銀梓

楊士雲

生祠何昉乎周公日記功宗以功作元祀王命享周公亦曰明禋休享斯後世生祠之
禮之意乎而奉於民尤難也非有所私感愛焉已爾非有所求遺愛焉已爾弘治初蕭
見素林公以滇副使總金滄於時夷寇猖獗盤據於賓川首暴於趙四境震驚公酒疏
城趙以遏寇衝州賓川而衛之以治其地夷用屏息民用安堵趙尤賴之咸晉慶以生
公去晉念罔釋以事神者祠公表祀公也效禋享也永愛於不忘也越正德庚辰巡察
陳君原習至曰是人心弗容已者祀弗可弗稱乃碑越嘉靖丙戌守郡葛君志貞至曰
某何敢拂民之好祠弗可弗葺爰襲先今祠祀及公在趙所詠爲集以傳且臚士雲曰
子茲產受賜如趙盡序諸士雲則起對曰昔陸翁以范文正爲宋朝人物第一公在皇
明猶文正之在宋也述公蚤歲立朝諫憲宗請誅左道風節挺挺以爲校理司諫者同

治南中諸所興建迄今賴之與守鄒延者同晉用於孝宗武宗之朝撫江蜀殄寇亂與
總西帥者同晚起於今上龍飛之日掌邦禁誥茲刑亂崇論茲議有裨新治與參大政
者又同茲趙之祠與鄒慶之祠同矣詞之詩文與富穆諸賢亦同異時廟享之配與魏
國之封如周祀功宗享明禋者又將無不同斯則有國史以傳若是集尤可爲遐上之
對云覽者甯不有感於斯

蒼山別圖詩序（闕文）

送貳守曾君榮滿詩序（闕文）

贈馬柳泉幕賓詩序（闕文）

送郭伯劉公入覲序

楊士雲

予讀漢書帝詔至勅二千石尙寬明戒矯飾未嘗不竊嘆曰長者哉帝之卓見也夫矯
飾者豈非謂安靜不煩憫恤無華者乎夫苟爲察刻爲明輕爲德重爲威者非六條所
察刻暴煩擾者乎匪直元和有之元封以前亦有之矣安靜不煩者非宣帝所稱賢人
君子者乎匪直元和難得神覺五鳳之間亦未易得也夫刻暴煩擾者非若烹小鮮擾
之則亂者乎民斯疾也怨罔弗同矣賢人君子者非方而不剝廉而不削直而不肆光
而不曜者乎民所安也懷罔弗同矣二者奚遯元元之休戚雖陰陽和鑒國脈理亂但

必由之漢世英主惓惓於是有以哉皇明稽古爲治尤重收守考課之典視元封之制加詳也褒嘉之典視神爵五鳳之制不殊也然而吏治之削猶元和也惇惇者寡猶元和也聖明更化德意展頒綜核新貫極嚴且備潁川黃霸之治宜有聞矣吾大理喜得劉公政率自中殆誠而能動者其尙寬明者耶賢人君子者耶肆當入覲天子甯不待以宣帝之待黃霸者耶將治理如潁川褒嘉如潁川後之徵詔如潁川邦人蒙福寧有既耶罔俾循良專美有漢於公之茲行驗之

送邦伯祝君入覲序（闕文）

東平振旅詩序

嘉靖丁亥冬十一月尋甸告變安氏之遺孽也戊子春正月武定繼變鳳氏之餘孽也二賊密邇於滇得煽以勦覆城邑戕吏配東偏石城南偏威楚遂合圍省下要求規得勢甚熾守城檄諸酋兵戰守以俟上命噫棘矣維時青城周公以副使飭戎於樓榆選武勇昭法令懸賞格厲兵秣馬馳至威楚逆孽賊回踵之麓卻之慮其潛出問道襲我要會復馳至弄棟據諸險隘先扼之命下詔諸守臣討賊定乃馳至滇陽共圖方略公當分攻武定與諸道互爲犄角遂深入而肆伐之俘百人賊二百四十人招懷七百人諸道所獲未算焉無何元兇授首而尋甸之賊亦就擒矣於戲戮鯨鯢爲京觀馴龍

蛇爲赤子紆九重南顧之憂戰黔中未有之既公克成厥功者也茲振旅而旋鄉薦紳播之聲詩附勸以九歌之義俾予序之君子曰惟用兵德刑政事典禮不可易也伐叛刑也刑行則威柔服德也德立則惠安民政也政成則親和衆事也事時則利軍行有制典也典從則嚴賞共刑否禮也禮順則勸公皆有焉斯功之光定乎可歌也已行柄天下之兵可覘也已然則是詩也江漢采芑之前驅乎可作也已

慶劉晏七十壽詩序（闕文）也語曰雖無離憂不樂也雖有離憂亦樂也太夫人望于公者一觴之壽已乎將移孝以爲忠乎公所以壽太夫人者一觴之壽已乎將竭忠以爲孝乎斯固諸詠歌者贊贊意也

送青巖余先生知寶峨詩序

國家重師儒之職簡用特異甲科遺才也苟有聲焉得入臺中暨守貳令長爲郡邑又有聲焉亦得入臺中暨諸省寺與甲科之流相頡頏也周官師以質得民記曰能爲師然後能爲長然後能爲君也師而克任國弗克任奚翅郡邑雖方岳可也奚翅臺省雖公輔之望亦可也昔在先正若胡順菴魏文靖年恭定誥聲震烈皆其人也今

給音申令典顯拔儒碩以實在位青巖余先生掌教大理再期耳校則模範則範
臺旌之撫臺旌之總制大司馬伍公旌之遂擢知府峨將有進于晉峨者也青巖
蚤得鄉薦以乙榜署教松滋歷安陸公安積有聲効甲科之遺才也宜進與甲科
之流相頡頏也能爲師宜能爲長能爲君也今夫師之職以教舉道尊焉爾而惟
陋之安鮮克勵焉斯責已令之職以政舉德隆焉爾而惟詬之集鮮克勵焉斯責
已勵則修修則聞聞則揚揚則進進則如鴻之漸也誰能禦之青巖雅志也式副
國家簡用之意哉諸君子詩歌之贈皆吳鼎也予何能序之乘章先也

江祀編序

江祀編南濱獻官太史撰也太史祀南濱者今

天子龍飛楚甸光紹丕圖分遣近臣徧于羣望者也祀四濱者嶽瀆配天地紀綱天下
明神之祀國之大事也作江祀者太史欽承

休命職當載筆宜頌

鴻烈觀永久也廣哉淵乎幽明感通影響也休咎徵驗象類也黍稷馨香明德也玉帛
精潔無苛慝也祝史薦信忠信也此頌之義也與序在位肆懿德懷柔及于河嶽一
也至其往來在道形之永言亦風雅之遺音也蓋求友生懷兄弟誦山甫感時慨古

兼之矣太史同官咸論之有以哉編總曰江祀重所事也太史者新都楊氏用修也
重刊家禮四要序

儀禮首冠昏終喪祭人道始終備矣節文度數詳矣而世降日滋廢且久矣於乎此
文中子所重歎乎宋臨菴文公本儀禮采諸家禮作家禮一書酌古準今簡易可行
我

文皇帝頒學宮其望於天下後世篤矣瓊山文莊公櫟括家禮爲儀節尤簡易也今鶴
田蔣公又省儀節爲四要彌簡易也期俾人人可行已矣公守廣平嘗以是書肄諸
生力振頹風復之古道茲膺

簡命貳漢懸詒遵我行部大理亦以是書授諸生移風饒輔者以風邇土急於教訓正
俗者與降典折刑者與吾令侯汝言請重梓用廣厥傳公可之郡守富川劉君禹謂
令曰監司倡吾與若爲古之師帥也慎諸梓成汝言屬士雲序因讀而嘆曰要哉夫
季氏之祭至繼以燭溫公之儀人所憚行非煩乎難乎放古之意不泥古之文臨菴
定論也而畧浮文敦本實竊附孔子從先進意臨菴作書之本指也公兼得之哉
夫要頹體所會者也易易知也簡易從也而禮之恭遜仁之思懇義之時宜知之密
察固不咸已雖儀禮亦可槩也學者曷謂若夫下同生民之坊上裨

聖神之化公之序悉矣學者釋諸

送李君廷實知都勻序

都勻介賦貴間壤僻而險舊置衛兼領諸長官司稔於弗靖弘治中迄用大兵戡定之迺並設府專統理蓋衛主鎮府主牧鎮主威牧主化鎮以威而或戾不若牧以化而可馴也顧所統吏咸土授民成錯植號最難理爲守者尤難於他守焉銓部必慎簡其人以充李君廷實以右軍都督募府擢守茲郡或者難之予知君之優爲無難也天下至難馭者軍軍政尙嚴嚴近刻刻則竊有弗輯之患君叅府獨濟之以寬寬非縱弛之謂也宏裕博大以爲容御衆之體也軍政尙密密近煩煩則下有多擾之患君叅府獨操之以簡簡非不事事之謂也剔繁舉要以爲務臨下之體也執此以往何難於守亦何難於都勻哉史臣贊循良曰政畏急張戒弗寬也又曰理善烹鮮貴崇簡也寬有保字之仁而感孚之道著備有清靜之義而寧壹之化成脫肆威用智嗜黃霸笑卓茂雖中土齊民弗利也矧險僻難理者乎昔衛颯守桂陽邦俗從化任延守九真徼外慕義皆善用寬簡移變邊俗者政迹章章有輝汗簡人心豈獨化於古而難於今哉然颯嘗辟大司徒鄧禹府廷實爲大司馬屬贊畫大猷風弘補益故所至有聲君先後兩叅督府世勳宿將譚新寧郭武定輩咸倚重之其爲衛任

楊氏舊無譜相傳居喜州之城北里大賀洲至九世譜通作也始祖諱葉師正生二子曰正良曰奴公自正良而傳者爲長派至六世曰賢曰智曰忠者衍而爲三派自奴公而傳者爲次派至三世曰公福曰福慶曰福慶者衍而爲三派迄今蓋九世矣始祖而上不可知譜自其可知者爾然亦豈易成耶蓋吾鄉素乏譜牒不獨一楊氏也高曾而上類多失考茲高祖而上又得三世焉是亦豈易能耶作譜者奴公七世孫處士翁繹也處士考諱懋以剛正重于鄉鄰高年康強平生究心宗系極力窮訪以所見徵所聞以所聞徵所傳聞世居有業業同分可徵也世葬有墓墓同城可徵也盡得其可信而無疑者每以命處士曰其爲譜以成吾志處士懼墜失先人葬命適作譜源流而經緯之得古譜法且視士雲曰爲我序之於戲譜之道重矣所以歸昭穆尊祖考合宗族興孝弟勸嫺睦也自箕世繫之教廢雖有氏族誰有氏族哉况并氏族無之而不知本始者哉楊氏之族幸譜已今之族人苟知由一世以至今日由有服以至無服雖千百指之多其初一人之身也雖欲不親亦不可得已後之族人又知由今日以至無窮由有服以至無服雖千萬指之多其初亦一人之身也雖欲不親亦不得已親則孝弟之行與嫺睦之風作庸皆非斯譜作之力哉士雲處士增也喜楊氏之族有譜因敬序之

原书缺页

原书缺页

寧邊茂績詩序

國家邊徼重地必簡命兵憲臣澄之華古兵刑合一之制蓋重任哉頃議兵備兵民並寄卓異者必超格柄用尤重厥任焉

皇上入紹大統登進英賢時川姜公既復儀部郎遂陟吾滇兵備憲副

簡厥克任重也所澄即六詔之地化久未單草竊時起甚而僭養禍階識者有隱憂焉公至奮爲已任曰平民罔不寇賊乃始亂乃胥漸在古則然今豈異乎聖人乃命降典命平土命播種命制干刑之中在古則然

今天子命我亦豈異乎於是宣

德意條方畧動中肯綮又以賞罰鼓舞之一掃近時玩愒之弊踰時小革面大革心四境肅清頌聲流聞矣公何以得此哉蓋公策駁酋豪必折跋扈必殄魍魎遏始亂也夾提諸類必蠲苛政必編戒石必嚴互察閭閻漸也山社有學必頒

製訓必給經書敷教典也疆域有守必險走集必嚴候斥奠居土也樹畜有業必予牛種必墾耕菜必通貨市厚農生也干紀有法必矜告過必刑怙終教祇德也而治內也尤恤民隱慎赫靈教風教禁淫惡以爲慰撫觀示之方不遺餘力於乎此

明天子之命古聖哲之法惟公式克欽承而備舉咸宜矣夫遏始亂則禍弗滋閭閻胥漸

則勢可理敷教典則化奠土居則安厚農生則足教祇德則中內治脩則外益寧
非公明以照之威以震之才以運之德以本之烏能一弛張操縱間而邇安遠寧
之若是耶是可徵公之卓異矣刑可措兵可銷克副茲重任矣茲

最有日鄉大夫士樂公政之有成慶遐土之有遭且非可以久公也標事列圖彙
爲聲詩以歌之屬余序之昔卻缺有言夏書曰戒之用休董之用威勸之以九歌
俾勿壞九功之德皆可歌也謂之九歌德莫可歌其誰來之今公之德熟非可歌
者乎欲人弗歌得乎其預有勸之道乎雖然此公之德在一方歌於一時者耳行
將

簡在

大廷超格柄用以總憲度振兵機望愈隆任愈重移一方之寧以救天下德之可歌
愈大矣當書之史策被之管弦與天下後世共之今日之歌奚足以盡公哉

壽楊母七十序

嘉靖辛卯夏楊生萬化以父立齋翁母氏偕踰七望八旬予曰一元曷以慰吾親
者惟茲弧帨之辰願先生言爲壽庶有慰乎予時抱先妣憂未敢言旣生戰慄塲翁
不少延予重念生之戚也甲午春生禔越秋九月復曰一元不獲慰吾父猶幸願慰

吾母予不敢辭曰書云厥父母慶曰洗腆致用酒夫非盡人之子乎夫慶非壽乎壽七十降八十非慶之大者乎斯孔子所謂以喜者乎宜生斯切切斯汲汲爲壽且以慰乎夫壽德之徵也德斯壽壽斯慶慶以壽亦以德也易家人之彖曰女正位乎內男正位乎外翁拮据成家母勉勉內政有效績之風焉又曰家人有嚴君焉父母之謂也翁義方成子母督課孔嚴有和肅之風焉德也躋于壽耄刑于家觀于族黨施于後人有辭于永世德之壽也慶無大是者斯生所以爲壽以慰者乎尙亦圖所以顯揚爲慰者乎若予言庸足慰乎

萱節福壽圖詩序

萱節福壽圖詩者慶魏母繆太孺人八十壽也太孺人龍關耆宿翁之子

贈承事郎江華公之配通守重慶茲守蓬州江村君之母也今年秋七月辛丑實維設帨之辰蓬州以遷秩數千里歸壽堂下胡生案函圖泊詩謂予序予獲友蓬州稔知太孺人之懿行也江華公弱冠蚤世太孺人始字五年舅姑大耋二孤在抱家政方殷嫗如也曰孰與尸饔主婦非我職耶孰與庭訓母儀非我肅耶孰與閑家內外非我正邪訖以婦代夫而親安之以母代父而子穀之以內正外而家賴之親之安者孝乎子之穀者慈乎家之賴者貞乎孝德之順也慈德之教也貞德

之幹也順則不置教則有成幹則不逾三者備則天綱續地維立人紀完矣可通神明表風化登彤史矣其被

封命服冠幘食祿養贍期頤受蓬州顯揚之報宜矣慶有大是哉圖之爲萱爲節爲福壽者咸其徵也而節其本也惟德斯節斯福斯壽斯忘憂如萱也記曰如竹箭之有筠貫四時而不改柯易葉語節也詩曰如川之方至以莫不增如南山之壽不寧不朋語福壽也又曰焉得萱草言樹之青語忘憂也斯今日頌禱之意非邪因敬序之

重觀滄海序

皇明聲教四訖稽古作程內簡臺史外列臬司觀風于天下

一人大觀在上四方觀化于下非省方觀民何以設教嘉靖己丑聚峯毛先生以臺史觀滄維時中官肆虐罔遏巨室封利罔顧戎心叵測罔馭曰茲惟亂本不可長亟疏輪狀咸得

請大閱罷鎮羣醜懋服迄于今賴之報命中傷左官壬寅以僉臬再至再觀巡滄海揭帖戎兵維時楚酈久遠難變股肱敝化難罔草竊潛作難弭甚而金沙可達難于謀始曰茲亦惟亂本也紐乃教民事慈民淫嚴斥候議請疏江圖永久餘風用

殄畢棄咎亦固不成賴升菴太史題重觀滇海張之鄉大夫士歌之退予序之於
乎觀之時義大矣觀之初六童觀罔鑒趣順謂之童觀斯昧六二闕觀寡鑒從順
謂之闕觀斯狹六三觀我生自審行可謂之生觀斯察六四觀國之光明習國儀
謂之光觀斯有融先生德兼三四應上近五故茲觀風上裨

大觀下裨觀化雉可射狐可獲戎可戒孚可革寇可禦大川可涉觀民設教明哉熙哉
濱職永利休哉可歌已予聞在昔介軒王公澤州楊公觀滇有辭罔俾二公專美
西南又可歌已其諸觀陝與天下者成若是獨滇乎哉庸附羣言之首

聚峯奏議序

監察御史聚峯先生已丑按滇壬辰按陝策多奏議輯其要者書爲二筴夫滇西
南服陝西北服繫天下要害鈞也自昔徵怨兆憂非增鎮守私壞法乎非侵權利
放越軌乎非閹選情滋寇端乎非廢邊道煩耗國乎在諸藩亦有然者置於不問
稔突要有大於斯乎先生毅爲已責迺建議革之抑之慮之通之不遺餘力五壞
十蠹五策四憂三等三利之列皆本仁義盡事情準古驗今請於朝覆於部下於
制府行臺董振興釐一如

俞旨傳曰仁人之言其利溥設有令德也大古今奏議陸宣公爲稱首權德輿叙於永